

## **Senad Šepić**

Pitanje postavljeno Vijeću ministara BiH: „U kojoj fazi je proces izmjena i dopuna Zakona o veterinarstvu BiH a u pravcu reguliranja načina kontrole i uspostavljanja institucija i tijela koja će vršiti kontrolu neophodnu da bi proizvodi životinjskog porijekla mogli biti izvezeni u zemlje EU?“

Inicijativa upućena nadležnim ministarstvima obrazovanja u kantonima u Federaciji BiH, Ministarstvu prosvjete i kulture Republike Srpske i Odjeljenju za obrazovanje u Vladi Brčko Distrikta BiH: „Predstavnički dom Parlamentarne skupštine BiH poziva nadležna ministarstva obrazovanja u kantonima u Federaciji BiH, te RS-u i Odjelu za obrazovanje Brčko Distrikta BiH da izrade precizna uputstva o neophodnom materijalu za svaki školski predmet, a u skladu s preporukama Svjetske zdravstvene organizacije, prema kojoj će maksimalna težina školske torbe s priborom i opremom biti ograničena na maksimalno 10% prosječne tjelesne težine djeteta.“

Pitanje postavljeno Vijeću ministara BiH, Vladi Federacije BiH i Vladi Republike Srpske: „Molim da mi dostavite informaciju – spisak svih korisnika i iznos granta – nepovratnih sredstava iz budžeta, te vanbudžetskih fondova koji se pune iz doprinosa građana po raznim osnovama u 2011. i 2012. godini. Molim za precizno obrađenu informaciju prema nivoima vlasti, odnosno davaocima grant sredstava, te precizno navedenom mjestu korisnika i utrošku grant sredstava (općina, kanton, entitet).“